

Ministarstvo unutrašnjih poslova Kantona Sarajevo, Benevolencije broj 16, Sarajevo
koje zastupa ministar, Admir Katica, (u daljem tekstu: Ugovorni organ) i

"AUTODELTA" d.o.o. Sarajevo, Bolnička do broja 11, koje zastupa direktor Amir
Aljić (u daljem tekstu: Izvršilac usluga)

zaključili su:

UGOVOR
o nabavci usluga servisiranja motornog vozila
marke "Volkswagen", LOT 1

Član 1.

Predmet ovog ugovora je nabavka usluga servisiranja motornog vozila marke "Volkswagen" za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka uz primjenu e-aukcije, na osnovu Odluke broj 01-14-4-5384-4 od 25.12.2019. godine.

Ugovor se zaključuje u skladu sa uslovima iz tenderske dokumentacije, ponudom Izvršioca usluga i odredbama Okvirnog sporazuma broj 01-14-4-5384-8 od 26.05.2020. godine i stvarnim potrebama Ugovornog organa.

Ponuda Izvršioca usluga broj 46/AM/2020 od 30.03.2020. godine i Izvjestaj o e-aukciji je sastavni dio ugovora.

Član 2.

Usluge iz člana 1. ovog Ugovora će se pružati u servisu Izvršioca usluga.

Ukupna vrijednost ovog Ugovora iznosi 12.675,00 KM sa PDV-om.

(dvanaest hiljada šest stotina sedamdeset pet i 00/100 KM).

Član 3.

Ugovorni organ će ugovorenu cijenu plaćati Izvršiocu u roku od 45 (četrdeset pet) dana po dostavljanju fakture.

Član 4.

Izvršilac je dužan da izvrši uslugu servisiranja u roku od 3 (tri) dana od zaprimanja zahtjeva Ugovornog organa.

Član 5.

Izvršilac se obavezuje da će ugovorenu uslugu izvršiti u svemu prema propisima, standardima normama kvaliteta, zakonskim i podzakonskim aktima koji važe za vrstu usluga koje su predmet nabavke.

Član 6.

Ukoliko poslije zaključivanja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, a ne duže od trajanja okvirnog sporazuma.

Član 8.

Ugovorne strane su saglasne da će sva, eventualno sporna pitanja rješavati dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj ugovor je izrađen u četiri (4) istovjetna primjerka, od kojih po dva (2) zadržava svaka strana.

IZVRŠILAC USLUGA
"AUTODELTA" d.o.o.
SARAJEVO

direktor
Amira Aljić



UGOVORNI ORGAN
MINISTARSTVO UNUTRAŠNJIH POSLOVA
KANTONA SARAJEVO

Ministar
Admir Katica



Broj: 231/Am/2021

Datum: 06.12.2021.god.

Broj: 01-14-4-5384-10

Datum: 24.11.2021. godine